

卷五



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷五
 內容分類 史-政書 歷代通制
 索書號 貴重-17
 編號 B3510400

彩色首頁1

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿
少卿附

太常卿 丞奉禮郎主簿 博士
太樂署 鼓吹署
太卜 太醫署
太祝 兩京郊社署

光祿卿 丞良醞署主簿 掌醢署
太官署 珍羞署

衛尉卿 丞守宮署主簿 武庫署
武器署 左右都候

宗正卿 丞諸陵署主簿 太廟署
崇玄署

太僕卿 丞典牧署主簿 乘黃署
諸牧監

大理卿 丞司直評事監

諸卿 附少卿

諸卿附

杜氏通典卷第四終

杜氏通典卷第五

食貨五

賦稅中 齊 後魏 北齊 隋

齊高帝初竟陵王子良上表曰宋文帝元嘉中皆責
成郡縣孝武徵求急速以郡縣遲緩始遣臺使自此
公役勞擾凡此輩使人既非詳慎貪險崎嶇以求此
役朝辭禁門情態卽異暮宿村縣威福便行驅迫郵
傳侮折守宰瞻郭覩境飛下嚴符但稱行臺未明所
督攝搃曹署震驚都邑深村遠里俄刻十催或尺布
之逋曲以當疋百錢餘稅且增爲千誑云質作上方
寄繫東治百姓駭迫不堪其命恣意賂賄無人敢言

貧薄禮輕卽生謗譏愚謂凡諸檢課宜停遣使明下符旨審定期限如有違越隨事糾坐則政有恒典人無怨咨子良又啓曰今所在穀價雖和室家飢嗷苦反嫌續雖賤駢門裸質而守宰務在哀刻圍桑品屋以准貲課政令斬樹發瓦以克重賦破人敗產要利一時東郡使人年無常限郡縣相承准令上直每至州臺使命切求縣急乃有畏失嚴期自殘軀命亦有斬絕手足以避徭役守長不務先富人而唯言益國豈有人貧於下而國富於上邪又錢鑄歲遠類多翦鑿江東大錢十不一在公家所受必須輪廓遂買本一千加子七百猶求請無地且錢布相半爲制永久



或聞長宰湏令輸錢進違舊科退容姦利欲人康泰其可得乎又啓曰諸賦稅所應納錢不限大小但令所在兼折布帛若雜物是軍國所湏者聽隨價准直不必盡令送錢於公不虧其用在私實荷其渥昔晉氏初遷江左草荆絹布所直十倍於今賦調多少因時增減永初中官布一疋直錢一千而人所輸聽爲九百漸及元嘉物價轉賤私貨則疋直六百官受則疋准五百所以每欲擾人必爲降落今入官好布疋下百餘其四人所送者猶依舊制昔爲刻上今爲刻下昨庶空儉豈不由之救人拯弊莫過減賦畧其目前小利取其長久大益無患人貲不殷國用不阜也

迨武帝時豫章王疑上表曰宋氏以來州郡秩俸及雜供給多隨土所出無有定準夫理在夙均政由一典伏尋郡縣長尉俸祿之制雖有定科而其餘資給復由風俗東北異源西南各序習以爲常因而弗變順之則固非通規澄之則靡不入罪豈約法明章先令後刑之謂也臣謂宜使所在各條件公田秩俸送迎舊典之外守宰相丞有何供課尚書精加勘覈務在優衷事在可通隨宜頒下四方未爲恒制帝從之自東晉寓居江左百姓南奔者並爲之僑人往往散居無有土著而江南之俗火耕水耨土地卑濕無有蓄積之資諸蠻陬俚洞窟沐王化者各隨輕重收財

物以裨國用又嶺外酋帥因生口翡翠明珠犀象之饒雄於鄉曲者朝廷多因而署之以收其利歷宋齊梁陳皆因而不改其軍國所須雜物隨土所出臨時折課市取乃無恒法定令列州郡縣制其任土所出以爲徵賦其無貫之人不樂州縣編者爲之浮浪人樂輸亦無定數任量唯所輸終優於正課焉謂下人多爲諸王公貴人左右佃客典計衣食客之租皆無課役官品第一第二佃客無過四十戶每品減五戶至第九品五戶其佃穀皆與大家量分其典計官品第一第二置三人第三第四置二人第五第六及公府參軍殿中監監軍長史司馬部曲督關外侯材官

議郎以上一人皆通在佃客數中官品第六以上并
得衣食客三人第七第八二人第九品舉輦跡禽前
驅強弩司馬羽林郎殿中虎賁持雄斧武騎虎賁持
鉞色立反冗從虎賁命中武騎一人其客皆注客籍其
課丁男調布絹各二丈絲三兩綿八兩祿絹八尺祿
綿三兩二分租米五石丁女並半之男年十六亦半
課年十八正課六十六免課其男丁每歲役不過二
十日其田畝稅米二升蓋大率如此其度量三升當
今一升秤則三兩當今一兩尺則一尺二寸當今一
尺今謂即時自梁武帝末侯景之亂國用常福京官文武
月別唯得廩食多違帶一郡縣官而取其祿秩焉

徐等大州比令僕班揚州督正魏理在建康徐州督

重者尚書令僕寧桂等小州比參軍班寧州理建寧

州理始安今郡名并外官刺史丹陽郡吳郡會稽等

郡並同太子詹事尚書班丹陽郡理建康吳郡會稽

事尚書官品第三也高涼晉康等小郡三班而已高涼晉康即

最輕者梁武帝定九品後其內官更為十八班以班

多者為貴同班者則以居下為劣則與品第高下不

倫當是其時更以清濁為大郡六班小縣兩轉方至

差耳本史既畧不可詳焉一班品第既殊不可委載其州郡縣祿米絹布絲綿

當處書臺傳倉庫并給刺史守令等先准其所部文

武人物多少由勅而裁凡如此祿秩既通所部兵士
給之其家得蓋少諸王諸主出閣就第婚冠所須及

衣裳服飾并酒米鮭香油紙燭等並官給之王及主
婿外祿者○後魏道武帝天興中詔採諸漏戶令輸
綸綿自後諸逃戶占爲紬繭羅縠者甚衆於是雜營
戶徧帥於天下不隸守宰賦役不同戶口錯亂景穆
帝卽位一切罷之以屬郡縣魏令每調一夫一婦帛
一疋粟二石人年十五以上未娶者四人出一夫一
婦之調奴任耕婢任績者八口當未娶者四耕牛十
頭當奴婢八其麻布之鄉一夫一婦布一疋下至半
以此爲降大率十疋中五疋爲公調二疋爲調外費
三疋爲內外百官俸人年八十以上聽一子不從役
孤獨病老篤貧不能自存者亦一人不從役舊制人

問所織絹布皆幅廣二尺二寸長四十尺爲一疋六
十尺爲一端後乃漸至濫惡不依尺度孝文帝延興
三年秋更立嚴制令一准前式違者罪各有差四年
詔州縣人十丁取一以克行戶收租十五石以備年
糧太和八年始准古班百官之祿以品第各有差先
是天下戶以九品混通戶調帛二疋絮二斤絲一斤
粟二十石又人帛一疋二丈委之州庫以供調外之
費至是戶增帛三疋粟二石九斗以爲官私之祿復
滿調外帛增二疋所調各隨其土所出其司異雍華
定相秦路荆河淮兗陝徐青齊濟南河東等州貢綿
絹及絲其餘郡縣少桑蠶處皆以麻布克孝明帝時

張普惠上疏曰伏聞尚書奏復綿麻之調遵先皇之
令軌復高祖之舊典仰惟高祖廢大斗去長尺改重
秤所以愛百姓從薄賦知軍國須綿麻之用故立幅
度之規億兆荷輕賦之饒不憚於綿麻而已故歌舞
以供其賦奔走以役其勤天子信於上億兆樂於下
自茲以降漸漸長濶百姓怨嗟聞於朝野宰輔不尋
其本知天下之怨綿麻不察其幅廣度長秤重斗大
革其所弊存其可存而特放綿麻之調以悅天下之
心此所謂悅之不以道愚臣所以未悅者也尚書既
知國少綿麻不惟法度之翻易人言之可畏便欲去
天下之大信棄已行之成詔遵前之非遂後之失奏

求還復綿麻以克國用不思庫中大有綿麻而都官
共竊利之愚臣以爲於理未盡何者今官人請調度
造衣物必量度絹布疋有尺丈之盈猶不計其廣絲
綿斤兩兼百銖之賸未聞依律罪州郡者若一疋之
濫一斤之惡則鞭戶主連及三長此所謂教人以貪
也今百官請俸只樂其長闊并欲厚重無復准極得
長闊厚重者便云其州能調絹布粗闊且長橫發美
稱以亂視聽此百司所以仰負聖明者也今若必復
綿麻謂宜先令四海知其所由明立嚴禁復本幅度
新綿麻之典依太和之稅其在庫絹布并及絲綿不
依典制者請遣一尚書與太府卿左右藏令依今官

度官稱計其斤兩廣長折給請俸之人摠常俸之數
年俸所出以市綿麻亦應周其一歲之用使天下知
二聖之心愛人惜法如此則高祖之執中興於神龜
明明慈信昭布於無窮孰不幸甚正光後國用不足
乃先折天下六年租調而徵之百姓怨苦有司奏斷
百官常給之酒計一歲所省米五萬三千五十四斛
九斗麩穀六千九百六十斛麥三十萬五百九十九
斤其四時郊廟百神群祀依式供營遠蕃客使不在
斷限邇後寇賊轉衆諸將出征相繼奔敗所亡器械
資糧不可勝數而關西喪失尤甚帑藏空竭有司又
奏內外百官及諸蕃客廩食及肉悉三分減一計歲

終省肉百五十九萬九千八百五十六斤米五萬三
千九百三十二石孝昌二年冬稅京師田租畝五升
借賃公田者畝一斗莊帝卽位因人貧富爲租輸三
等九品之制千里內納粟千里外納米上三品戶入
京師中三品入他州要倉下三品入本州靖帝天平
初諸州調絹不依舊式興和二年各班海內悉以四
十尺爲度天下利焉元象興和之中頻歲大穰穀斛
至九錢法網寬弛百姓多離舊居闕於徭役矣齊神
武秉政乃命孫騰高崇之分責無藉之戶得六十餘萬
於是僑居者各勒還本是後租調之入有加焉及侯
景背叛河南之地困於兵革尋而侯景亂梁乃命行

臺辛術畧有淮南之地其附州郡羈縻輕稅而已○
 北齊文宣受禪多所草創六坊內從者更加簡練每
 一人必當百人任其臨陣必死然後取之謂之百保
 鮮卑又簡華人之勇力絕倫者謂之勇士以備邊要
 始立九等之戶富者稅其錢貧者役其力後南征頻
 歲陷沒士馬死者以數十萬計武成以脩創臺殿所
 役甚廣兼并戶口益多隱漏舊制未娶者輸半牀租
 調有妻者輸一床無者半床陽翟一郡戶至數萬籍多無妻有司
 劾之帝以為生事不許由是姦欺尤甚戶口租調十
 亡六七是時用度轉廣賜予無節府藏之積不足以
 供乃減百官之祿徹軍人常廩併省州郡縣鎮戍之



職又制刺史守宰行兼者並不給幹南齊以有僮幹若今驅使門僕
 類之以節國用之費焉河清三年定令乃率以十八受
 田輸租調二十克兵六十免力役六十六退田免租
 調率人一牀調絹一疋綿八兩凡十斤綿中折一斤
 作絲墾租二石義租五斗奴婢各准良人之半牛調
 二丈墾租一斗義租五升墾租送臺義租納郡以備
 水旱墾租皆以貧富為三梟其賦稅常調則少者直
 出上戶中者及中戶多者及下戶戶上梟輸遠處中
 梟輸次遠下梟輸當州倉三年一校租入臺者五百
 里內輸粟五百里外輸米入州鎮者輸粟人欲輸錢
 者准上絹收錢是時頻歲大水州郡多遇沉溺穀價

騰踴朝廷遣使開倉以糶之而百姓無益饑饉充甚矣後主天統中勞役鉅萬財用不給乃減朝士祿料諸曹糧膳及九州軍人常賜以供之武平之後權幸並進賜予無限乃料境內六等富人調令出錢後周文帝霸府初開制司賦掌賦均之政令凡人自十八至六十四與輕疾者皆賦之其賦之法有室者歲不過絹一疋綿八兩粟五斛丁者半之其非桑土有室者布一疋麻十斤丁者又半之豐年則全賦中年半之下一年一之皆以時徵焉若艱凶札則不徵其賦司役掌力役之政令凡人自十八至五十九皆任於役豐年不過三旬中年則二旬下半年則一旬起徒役無

過家一人有年八十者一子不從役百年者家不從役廢疾非人不養者一人不從役若凶札又無力征武帝保定元年改八丁兵爲十二丁兵率歲一月役建德二年改軍士爲侍官募百姓克之除其縣籍是後夏人半爲兵矣宣帝時發山東諸州兵增一月功爲四十五日役以起洛陽宮并移湘州六府於洛陽稱東京六府○隋文帝霸府初開尉遲迥王謙司馬消難相次阻兵興師誅討賞費鉅萬及受禪又遷都發山東丁毀造宮室仍依周制役丁爲十二番匠則六番丁男一牀租粟三石桑土調以絹絕麻土調以布絹絕一疋加綿三兩布一端加麻三斤單丁及僕

隸各半之有品爵及孝子順孫義夫節婦並免課役
開皇三年減十二番每歲爲三十日役減調絹一疋
爲二丈初蘇威父綽在西魏世以國用不足爲征稅
之法頗稱爲重旣而嘆曰今所爲者正如張弓非平
伐也後之君子誰能弛乎威聞其言每以爲已任至
是威爲納言奏減賦役務從輕典帝悉從之時百姓
承平漸久雖遭水旱而戶口歲增諸州調物每歲河
南自潼關河北自蒲坂至于京師相屬於路晝夜不
絕者數月帝又躬行節儉九年親御朱雀門勞凱旋
師因行慶賞頒給所費三百餘萬段帝以江表初定
給復十年自餘諸州並免當年租稅十年五月又以

宇內無事益寬徭賦百姓年五十者輸庸停防十一

年江南反越國公楊素討平之師還賜物甚廣其餘

出師命賞亦莫不優崇十二年有司上言庫藏皆滿

帝曰朕旣薄賦於人又大經賜用何得爾也對曰用

處常出納處常人畧計每年賜予至數百萬段曾無

減損乃更開左藏之院構屋以受之詔曰旣富而教

方知廉耻寧積於人無藏府庫河北河東今年田租

三分減一兵減半功調全免十四年關中大旱人饑

帝幸洛陽因令百姓就食從官並准見口賑給不以


官位爲限十八年五月高穎奏諸州無課調處及課

州管戶數少者官人祿力承前以來恒出隨近之州

今請於所管內計戶徵稅帝從之先是京官及諸州
並給公廨錢廻易生利以給公用六月工部尚書蘇
孝慈等以爲所在官司因循往昔皆以公廨錢物出
舉興生唯利是求煩擾百姓奏皆給地以營農廻易
取利皆禁止十一月詔內外諸司公廨在市廻易及
諸處興生並聽之惟禁出舉收利煬帝卽位戶口益
多庫藏盈溢乃除婦人及奴婢部曲之課其後將事
遼竭增置軍府掃地爲兵租賦之入益減矣又頻出
朔方西征吐谷渾三度討高麗飛芻輓粟水陸艱弊
又東西巡幸無時休息六官及禁衛行從常十萬人
皆仰給州縣天下怨叛以至於亡

五卷終





不 許 複 製

NOT TO BE REPRODUCED

東京大学東洋文化研究所